

上諭朕向在藩邸未請政事不識一人毫末閱
歷聞見及受

皇考聖祖仁皇帝付托之重臨御寰區惟日孜孜勤
求治理以為敷政寧人之本然耳目不廣見聞
未周何以宣達下情洞悉庶務而訓導未切諮

雍正硃批諭旨



具摺奏事以廣諮諏其中確有可採者即見諸

雍正硃批諭旨

第九冊

北京圖書館出版社

第九冊提奏人名銜

張廣泗，貴州按察使，貴州巡撫。

鞏建豐，提督雲南等處學政右春坊右中允，提督雲南等處學政翰林院侍講。

石成峨，江西布政使。

劉廷琛，廣西布政使。

赫勝額，貴州按察使，署理貴州布政使印務按察使。

廖坤，湖廣襄陽府同知。

彭維新，吏部右侍郎署理蘇州巡撫印務總理清查錢糧事。

阿克敦，署廣州將軍，署兩廣總督，署廣東巡撫，署廣西巡撫。

方覲，浙江按察使，陝西布政使。

鄂昌，陝西寧夏道，甘肅布政使，四川巡撫。

吳關杰，山東兗州府知府。

胡鳳翬，蘇州織造。

岳濬，山東布政使，署理山東巡撫印務布政使，署理山東巡撫印務都察院僉都御史，山東巡撫。

郭鉷（金鉷），廣西布政使，廣西巡撫。

查郎阿，吏部尚書署陝西總督，署寧遠大將軍。

勵宗萬，山西學政翰林院編修，山西學政國子監司業。

高斌，蘇州織造兼理漕運關稅務郎中，浙江布政使，蘇州布政使，河南布政使，管理兩淮鹽政布政使，管理兩淮鹽政兼署江寧織造龍江關稅務布政使，署理江南河道總督印務管理兩淮鹽政布政使。

趙國麟，福建布政使，福建巡撫。

史貽直，吏部左侍郎仍兼管戶部侍郎事，署理福建總督印務吏部左侍郎，暫行署理兩江總督印務吏部左侍郎，都察院左都御史仍暫署兩江總督印務，都察院左都御史，兵部尚書，兵部尚書協辦陝西巡撫事務，署理陝西巡撫，署理西安巡撫。

吳應棻，提督順天等處學政，署理湖北巡撫印務兵部右侍郎。

楊永斌，湖南布政使，廣東布政使，署理廣東巡撫，廣東巡撫。

楊昶，西安按察使，西安按察使兼管河東鹽務，署湖北巡撫，四川巡撫。

程元章，福建學政，署理浙江布政使，安徽巡撫，浙江總督，總督專管浙江巡撫。

許容，陝西糧鹽道仍帶監察御史，陝西西安按察使仍兼管督糧道事，陝西西安按察使兼管河東巡鹽御史，浙江布政使，浙江觀風整俗使，蘭州巡撫。

邁柱，欽差吏部侍郎，署理江西巡撫吏部侍郎，署理江西巡撫湖廣總督，湖廣總督。

第九冊目錄

硃批張廣泗奏摺(雍正六年二月至十年三月)	一
硃批鞏建豐奏摺(雍正五年十月至六年二月)	四二
硃批石成峨奏摺(無繫年)	四四
硃批劉廷琛奏摺(雍正元年六月至二年四月)	四五
硃批赫勝額奏摺(雍正五年十月至十二月)	四七
硃批廖坤奏摺(雍正七年十二月至八年三月)	五〇
硃批彭維新奏摺(雍正七年閏七月至九年六月)	五四
硃批阿克敦奏摺(雍正四年七月至六年三月)	六一
硃批方觀奏摺(雍正七年七月至八年二月)	八三
硃批鄂昌奏摺(雍正七年六月至十二年十月)	八七
硃批吳關杰奏摺(雍正二年八月至五年二月)	九八
硃批胡鳳翬奏摺(雍正元年三月至三年十月)	一〇一
硃批岳濬奏摺(雍正五年六月至十三年八月)	一〇五

硃批郭鉞（金鉞）奏摺（雍正六年三月至十三年六月）	一五二
硃批查郎阿奏摺（雍正七年六月至十年九月）	二二一
硃批勵宗萬奏摺（雍正六年正月至九年三月）	二六三
硃批高斌奏摺（雍正四年二月至十三年六月）	二八四
硃批趙國麟奏摺（雍正六年十二月至十三年七月）	三二二
硃批史貽直奏摺（雍正七年正月至十三年六月）	三四六
硃批吳應棻奏摺（無繫年）	四〇八
硃批楊永斌奏摺（雍正八年二月至十三年六月）	四一四
硃批楊祕奏摺（雍正八年十月至十三年六月）	四五—
硃批程元章奏摺（無繫年）	四六四
硃批許容奏摺（雍正三年五月至十三年六月）	五二〇
硃批邁柱奏摺（雍正四年十月至七年八月）	五七四

硃批張廣泗奏摺

雍正六年二月二十五日貴州按察使臣張廣泗
謹

奏為恭請

聖訓事竊臣至愚極賤由貴州黎平府知府荷蒙

聖恩逾格著令署理貴州按察使印務未及一月復蒙
特予補授聞

命之下實切悚惶所有感激蟻忱已經詳懇署撫臣代
題恭謝

天恩外伏思按察使為通省刑名總匯而黔省更屬苗
硃批諭旨

十五面

張廣泗

疆要地臣才識短淺一切措理恐多叢脞謹冒昧
具摺跪求

皇上俯賜訓諭庶臣於萬里之遙得以祇承

天語時加惕勵恪供職守皆出

聖主生成之賜矣為此謹

奏

覽奏謝知道了勉力奉公勿懈諸務必深知灼見後方
可舉行若緣圖報心殷涉於孟浪有損無益過猶不及
也當切以為戒

雍正六年八月二十日新授貴州巡撫臣張廣泗

謹

奏為恭謝

天恩事雍正六年七月二十二日臣在凱里附近地方
行營接准貴州巡撫臣沈廷正咨准吏部咨開奉
旨雲南巡撫員缺著貴州巡撫沈廷正調補貴州巡撫
員缺著將貴州按察使張廣泗補授等因欽遵轉咨
到臣當於行營恭設香案望

闕叩頭謝

恩訖又於七月二十九日准調任雲南巡撫臣沈廷正
咨准吏部咨開內閣交出奉

硃批諭旨

十五面

張廣泗

上諭張廣泗現有化誨生苗等事其貴州巡撫事務仍
著沈廷正署理令張廣泗得以從容辦理俟張廣泗
到任後沈廷正再赴雲南新任欽此移咨到臣跪讀
之下仰見

聖主睿慮周詳無遠弗照臣欽遵逐一敬謹從容辦理

務期盡爾愚蒙咸通

聖朝治化邊界良民永資寧謐以上副

聖主軫念遐荒之至意除將現在辦理情形另行具

奏外理合繕摺恭謝

天恩謹

奏

覽奏已悉凡百不可固執惟以相機合宜爲貴縱始初稍有見不到處一片忠赤報效之心自在慎毋回護前言勉強從事設或苗情頑蠢一時辦理過激致傷多命奏效雖速朕心有所不忍原係化外蠻夷非內地叛逆之可比也當仰遵訓諭詳慎爲之

同日又

奏爲奏明開通苗疆情形仰祈

睿鑒事竊查黔省自黎平府以西都勻府以東鎮遠平

越等府以南廣西之柳州慶遠等府以北中夾一

硃批諭旨

十五道

三

張廣泗

段地方介於數郡之中延袤千有餘里寨分千餘人丁戶口不下十數餘萬皆係生苗不服約束爲害巖疆其逼近黎平者則爲八萬古州逼近鎮遠者則爲九股逼近都勻者則爲八寨逼近凱里者則爲丹江均係地面寬廣戶口稠繁更爲各郡要隘之區臣去歲於黎平知府任內奉督臣鄂爾泰檄令相機化誨會兩至八萬古州曲加開導彼等已知稟戴願行內附隨敘情形稟覆督臣并臣今春奉調赴滇又蒙督臣面囑機宜委令從長布置勦撫兼施臣卽遵照於五月內起程先抵都勻

府料理八寨等處逐一宣揚我

皇上如天之仁曉以歸誠向化之樂其有稍稱淳良者隨卽匍匐行營矢願歸化臣當卽重加賞犒申明約束嚴禁騷擾其中狡黠初懷觀望并欲妄行拒阻者迨畧試以威旋亦覺悟俱來投撫臣亦一體量加賞賚諄切宣示察其田土肥磽人戶衆寡令其認納糧賦使知任土作貢之義并查明戶口冊報督撫諸臣察核以及行知鎮遠文武各官就近將九股生苗相機化誨亦多感悟就撫將戶口開造到臣合之臣所撫八寨共計大小二百三十餘

硃批諭旨

十五道

四

張廣泗

寨男女共二萬餘丁口惟丹江一處倚衆恃險不遵化誨臣遣通事人等前往再三曉諭始終執迷不悟且將欲行向化各寨多方阻截不容歸誠并將八寨內已撫之楊牌楊堯等寨設計勾串希圖反復及官兵臨境竟敢公然抗違益肆頑梗則是恩不能用非威不可矣臣隨飛咨請商督臣鄂爾泰并調任撫臣沈廷正提臣楊天縱意見僉同各派遣官兵前來臣凜遵

諭旨從容辦理惟當慎重圖維敬謹匪懈擬將丹江一處勦撫並施布置妥協則古州八寨以及九股等

處其已就撫者自必懷德之心益堅而尚在觀望者亦俱知稟惕咸可漸歸約束矣所有現在辦理情形理合繕摺

奏明伏祈

皇上睿鑒謹

奏

已差牧可登春山密齋敕諭來黔矣爾接諭後相機審勢加詳加慎爲之

同日又

奏爲恭繳

硃批諭旨

十五箇

五

張廣泗

硃批事雍正六年五月十四日據臣家人自京捧回臣

恭請

聖訓一摺奉有

硃批臣跪讀之下如瞻

天表感激悚惶仰見我

皇上惟聖惟明執中建極

訓誨臣工務期詳慎至意伏思人臣事

君要在以誠以敬而臨事應物尤貴實政實心固不可

苟且因循更不宜偏持過激臣猥以疎庸入仕未

久違荷

聖主特達之知惟有勉圖報效今恭承

聖訓加意提撕臣當字字精研言言省悟諸凡務求了

然於心而後措之於事不敢輕蹈有過不及之愆

以上副

聖主格外造就隆恩下盡微臣驚駭之報於萬一也所

有原奉

硃批理合恭繳謹

奏

覽

同日又

硃批諭旨

十五箇

六

張廣泗

奏爲謹陳蟻惻跪懇

天恩事竊臣父原任山東兗州府管河通判張鎬於康

熙五十七年丁憂回旗候補於雍正四年蒙

皇上天恩命往水利營田效力因臣父奉委賣米有應

交米價銀兩遲延日久始行繳納經總理水利營

田使怡親王奏奉

旨交部議處昨閱鈔報內開刑部

題爲特恭虧空等事將臣父擬以枷責等因具

題奉

旨依議欽此臣跪讀之下戰慄惶恐感激涕零伏念臣

父以閒廢之員蒙我

皇上天恩錄用命往水利效力臣以庸劣愚賤之人蒙聖主拔擢巡撫

隆恩異數榮寵非常臣父子既受我

聖主格外之恩今臣父有罪亦宜從重加倍究治乃復蒙

皇上如天之仁僅將臣父予以枷責臣惟舉家頂戴何敢復有瀆陳但思臣父犯罪則臣係罪人之子何以表率寮屬忝任封疆又據臣在京家人稟稱臣父在順城門內枷號二旬因患病求保候病稍痊

殊批諭旨

十五

七

張廣泗

再行赴部領罪尚未蒙准等語伏念臣父受

皇上天高地厚之恩不能竭力圖報自取重咎雖駢首待死亦罪所宜然惟是臣父年近六旬素有弱疾今復染重病若不能保出調養勢必旦夕就斃長戴此罪名以沒世矣雖欲改悔遷善其道無由為此跪懇

三恩將貴州巡撫員缺另簡賢員准臣赴京代父加等領罪或容臣遵

旨敬謹竭力辦理生苗事竣卽星馳赴京代父領罪使臣父得以洗心滌慮痛加改悔則臣父子均沐我

皇上賜以再生之恩自新之路雖捐糜頂踵肝腦塗地不能仰報於萬一也臣無任戰慄哀籲之至謹奏

此奏朕嘉悅覽之殊不料張鎬生汝此等佳兒暨趙世錫生趙弘恩郭維堯生郭銍皆屬奇事雖然人材後勝於前正乃國家之福也汝父之居心行事汝爲其子自不敢言姑平心一思是耶非耶但既生汝如是爲國宣猷奉公效力之子則諸過悉可抵除已有旨盡寬爾父之罪矣至汝父之心行當以爲終身戒萬勿稍蹈一二切須砥礪操守若似汝父是所謂孝子慈孫百世不能殊批諭旨

十五

八

張廣泗

改者雖悔何及謹誌朕恩莫致有負勉之勉之

八萬古州之事設撤兵罷勦可以如舊相安當領悉朕意無庸勉強經營

諭貴州巡撫張廣泗從前石禮哈署理巡撫印務時曾經摺奏古州八萬苗地不入版圖其人兇悍成性往往仇殺且時出擾累居民今各處蠻夷咸傾心向化獨此一隅未通聲教應請用兵剿撫等語朕彼時批伊摺內苗人愚悍仇怨相尋固屬可憫但與兵進剿戕害生靈朕心不忍豈可孟浪從事石禮哈遂奉諭而止頃因爾稱奉差經過其地苗衆歡欣接待禮體恭順僉稱願附

版圖朕又訪之從滇黔旋京大臣等亦云夷情恭順誠然因思內地與苗疆莫非吾之赤子既有抒誠嚮化之心豈忍置之膜外是以准爾所奏專委撫綏以慰咎苗情近聞爾在彼勦撫兼行諒因苗寨繁多心志不一有實心歸附者亦有中懷疑懼者不得已有干戈之舉也但倉猝脅以兵威未免多傷苗命且強所不願非朕本念今特遣翰林官二員前來宣示諭旨伊等到時若招撫之事已竣則當加意綏輯倘或執迷不悟切勿徒恃殺伐統俟從容化導以副朕胞與之懷為此特諭

雍正六年十月二十二日貴州巡撫臣張廣泗謹

奏批諭旨

十五

九

張廣泗

奏為欽奉

上諭事雍正六年十月十七日臣在八寨行營有

欽差國子監司業臣牧可登翰林院侍講臣春山齋捧

上諭一道到臣跪讀之下仰見我

皇上天地為心胞與為量雖苗夷蠢類既不忍損於化

外尤冀其覆育安全臣雖至愚敢不凜體并又接

怡親王暨大學士等寄到公字內開字寄巡撫張

古州八萬苗人雖云互相仇殺出境劫奪尚無顯

然抗違

國法之罪祇因從前聞得招撫甚易

聖意不忍拒之化外故令舉行今聞苗衆之心不一似

非撫綏可以竣事但用兵勦滅盡收其地而將來

料理措置亦非易言是以

皇上特發諭旨與巡撫并頒

敕諭曉諭苗人令翰林二人齎捧前來若苗衆原欲就

撫易於招徠不至大有誅戮則仍照巡撫前請施

行或撤兵有不便之處亦就近商酌倘撤兵可行

巡撫應將

敕諭鈔錄宣示苗衆俟其敬謹恭迎然後將

敕諭發往一切事宜

奏批諭旨

十五

十

張廣泗

欽差與巡撫面加酌量巡撫不必因從前所奏存回護

為難之心此事本應行文與鄂總督因滇省路遠

往來又需時日是以

敕令欽差逕至巡撫處商酌諸事可以口悉也等因臣

愈得詳細領畧伏查臣先於黎平府任內曾兩至

八萬古州曲加開導已願內附隨將情形稟覆督

臣鄂爾泰迨臣叨蒙

天恩擢為按察使奉督臣調赴滇省面囑機宜議令勦

撫兼施臣即前至都勻府之八寨地方布置并將

黎平之古州以外生苗行令黎平文武從容化導

以及附近鎮遠之九股清水江等處生苗亦行令鎮遠文武先爲料理已陸續據報九股向化者十之七八其古州以外并清水江就撫者亦多所有八寨經臣親爲區畫始猶觀望迨畧示以威卽知悔悟歸附惟丹江一處竟敢抗違且將他處願歸寨分以強勢壓制不容前來經臣親往開示復敢拒敵傷兵臣隨飛咨請商督撫提臣意見僉同各派遣官兵前來茲於十月初五六等日將八寨內倡首反覆之楊牌等寨及官兵已到猶敢附惡抗違之甲些者良烏歸也條等二十餘寨俱行懲創其餘並未附和反覆者更加以獎賞撫恤并曉示首惡寨分業經整頓所有附和各寨旣已知威仍准投撫隨俱匍匐投赴行營悔罪求生是八寨剿撫大局已定惟有謹遵

聖諭加意撫綏務使得所俾共入版圖永沾

聖化至於丹江苗衆臣正擬尅期前進勦撫兼施今恭

接

上諭指示諄切臣何敢徒恃兵力冒昧舉行因與牧可登春山等再四商酌思維暫緩進兵但恐苗性至愚未能驟曉大義目今不敢遽宣

敕諭祇先將臣等之意再爲詳切開導俟其少有省悟之機卽恭錄

敕諭宣示苗衆務令其明白感激實心恭順且使先經就撫各寨聞聽之下莫不羣思稟戴然後撤兵則於

國體無損而於苗疆久遠之計亦大有裨益若復經開導之後始終抗違而竟停討問是彼旣不知保全之恩又安解撤兵之意臣愚以爲仍應進兵以示法紀縱有誅戮不過丹江內強暴頑苗而其餘聞風凜惕已就撫者懷德益堅未就撫者咸思依附則懲創者少而保全者多也再據牧可登等恭述

上諭此事應慎密欽此臣當敬謹稟遵但思此案原係督臣鄂爾泰總理其事況臣識見淺陋恐所籌畫多有未當鄂爾泰認理深細見事明決且怡親王等公字內亦開有此事本應行文與鄂總督之語是以臣不揣冒昧敬將

上諭恭錄併鈔公字差員星飛捧齋交督臣閱看竝酌核臣現在所辦情形是否允協仍致囑督臣務須慎密外自軍營至滇不過十二日可以往返至臣

遣去丹江曉諭之人亦約十餘日可以週到俟看

丹江苗衆是否實心恭順抑或終於抗違即可酌

定行止亦不至多遲時日臣當與牧可登春山等

逐一敬謹商議總期妥帖辦理以謐苗疆緣接奉

上諭事理恐厯

聖懷謹將酌議辦理情由先爲繕摺

奏明伏祈

皇上睿鑒謹

奏

古州八萬化誨生苗一事據各處奏報紛紛不一遣牧

陳批諭旨

十五

三

張廣泗

可登春山前來蓋恐汝進退兩難或且暫緩徐圖之意

今覽爾奏朕洞然無疑矣如果向化者十已七八止餘

丹江一隅自不應獨留遺孽任其滋蔓分割甚屬明晰

朕深嘉之汝力能擔荷此事商之鄂爾泰伊何不樂從

之有倘力不能辦鄂爾泰斷不令汝勉強從事也所奏

嘉悅覽之諸凡惟宜慎重籌畫萬全而行勉之勉之

觀此光景宣示飭諭之舉可以中止朕原命牧可登春

山密齋前來與汝商酌者廷臣亦未與知今仍令二人

齋回可也特諭

同日又

奏爲奏明事雍正六年十月二十日准署理貴州巡

撫臣沈廷正差委把總徐詔齋解銀二千兩到臣

行營並札開前將送往軍前預備賞賚等項銀兩

具

奏今奉

諭旨張廣泗軍中如有所需當寬裕接濟俾不致拮据

將朕此旨卽行通知令伊源源撥取可也欽此欽遵

現在軍需浩繁從前齋送之銀爲日已久諒不足

用今特動支庫銀二千兩專委把總徐詔管送查

收倘隨後再有所需卽通知等因臣當查收訖

陳批諭旨

十五

三

張廣泗

仰惟

聖主體念臣工纖微必燭且使因公措理不致稍有缺

乏臣查調集官兵除每日支給行糧外其餘並無

需費惟奮勇出力之官兵并通事嚮導人等實心

招徠以及就撫苗民俱應隨時賞賚之處不無所

用已先准署撫臣沈廷正差送公費銀二千兩前

來臣逐一撙節現在尚未用完乃今荷蒙

諭旨諄諄以寬裕爲念臣益當欽承并有督臣鄂爾泰

不必於此小事留意統領兵弁賞勞鼓舞爲第一要務

從前送到綴正花紅銀牌等項尚有存貯茲准署

撫臣沈廷正移到銀兩已儘爲寬裕緣准署撫臣

恭錄

諭旨通知事理臣謹繕摺

奏明再據把總徐詔稟稱奉有

上諭黔省現有勦撫古州八萬之事又協勦粵西不法
獠苗額設兵丁或不敷用著將湖南就近營兵酌撥
一千名來黔聽候督提調遣并預撥荊州滿兵一千
名前往常德府駐劄等因已經行文到黔欽此仰見
我

皇上慎重嚴疆布置周密查粵西獠苗之事於九月內
已經完竣至黔省生苗一案各處多願就撫惟丹

硃批諭旨

十五箇

五

張廣泗

江一處現在再為詳切曉諭冀其省悟倘若終於
抗頑應行進兵則有臣所領官兵除酌留彈壓新
撫之地方外尚餘漢土官兵五千餘名亦儘足前
進丹江之用恐上廑

聖慮合併陳明謹

奏

兵威壯盛方於事有濟切不可稍涉輕忽

雍正六年十二月二十五日貴州巡撫臣張廣泗

謹

奏為恭謝

天恩事竊臣前具奏懇請代臣父張鎬赴京領罪一摺
奉到

硃批臣跪讀九叩感激涕零伏思臣父身罹重罪既蒙
天恩宥免而臣之愚昧尤荷

訓諭周詳勉以終身戒以操守臣恭釋之下愈增凜惕
在我

皇上之矜全備至無非勸孝勸忠而臣父子履戴
高深敢不加儆加勵況臣以至愚極賤之人蒙

皇上特達之知授以封疆重任縱使肝腦塗地亦難少
報涓埃乃更以臣父之罪蒙

硃批諭旨

十五箇

六

張廣泗

聖主格外寬宥至於此極嗣今以後臣父子惟有共相
誓勉洗心滌慮省罪愆於既往效犬馬於將來斷
不敢自外

生成以期仰副我

聖主造就洪恩於萬一也理合繕摺恭謝

天恩跪祈

皇上睿鑒謹

奏

竊汝奏謝剴切真誠朕甚為嘉悅終身莫移今日此心
可也但汝方值壯年蒙朕不次擢用又兼建立奇功切

勿自恃致生驕傲胸中竟能忘此顯榮則

高天厚地斷無不錫鑒祐之理一切居心行事以鄂爾泰
爲楷模而效法之將來亦必爲國家棟梁之臣也勉之

同口又

奏爲奏

聞事竊查丹江苗衆於臣復行曉諭之時仍敢將附近
欲歸之苗民男婦綁擄而去強悍愈甚則是彼等
自外生成若不稍加懲創何以儆遏悍頑爲嚴疆
久安長治之計正據遣去化導之人回覆前來而
督臣鄂爾泰回劄亦至內開丹江一帶生苗強悍
殊批諭旨 十五箇 七 張廣泗

殺刦爲害地方茲奉

上諭周詳仰見我

皇上如天好生之至意我輩惟當凜體欽遵敬謹從事
殺一良懦如殺眷屬觀縱一兇惡如縱狼虎觀勦
撫竝用意主於撫庶幾殺亦爲恩而恩可垂久等
因臣當於十一月初九初十等日派遣官兵陸續
分路前進臣於十一日亦親往適中之烏耶地界
調度聲援其奉派右路之定廣協副將蘇大有於
二十日帶領官兵進至小丹江各寨所有頑苗俱
堅築牆壕環繞迎敵經該副將奮勇爭先將小丹

江各寨克取臣即乘勢於二十八日移兵進大丹
江各寨或剿或撫俱於十二月初三初五等日布
置就緒當有

欽差司業臣牧可登侍講臣春山等於初七日前來大
小丹江察看明白敬齋

敕諭於初九日自凱里起程回京復

命訖因尚有附惡之雞講等寨頑苗仍不悛悟臣隨派
令官兵復於初十一等日將雞講大小十一寨
悉行攻克隨有接聯丹江之上九股以及附近山
苗俱赴行營輸誠投撫臣遂加賞賚准其收錄至
殊批諭旨 十五箇 九 張廣泗

大小丹江雞講苗人從前之敢於抗拒者倚衆恃
險以爲懲創必不能加因而怙執如故迨見官兵
經臨有如摧枯拉朽彼已伎無所用而又見凡來
就撫者恩恤備至遂亦翻然悔悟隨於十四十五
等日以後相率匍匐投赴行營悔罪求生認納糧
賦願爲

盛世良民臣俱諄切宣諭一概准撫仍於科糧從輕事
例從簡俾樂輸將而易遵奉所有苗民男婦現已
復業安居即曾被攻燬寨分亦盡來歸故土其應
因地制宜經久善後之處容俟臣與督提暨署撫

諸臣悉心圖維擇人分任庶新闢巖區漸次寧謐而內地良善永沐安恬矣又黎平之八萬古州經臣化導在先并九股生苗於本年六七月間經鎮遠協副將張禹謨等亦漸次招撫在案但地廣人衆猶須臣親身前往宣布

皇上仁威俾其依向堅切竝察議經久諸事以及附近鎮遠府之清水江一帶屢據知府方顯稟報情願歸附者已有其半臣當飭令從容開導善加撫循總期彼等共入版圖咸叨

聖朝治化臣謹將辦理丹江就緒情形先行繕摺

硃批諭旨

十五

九

張廣泗

奏明謹

奏

嘉悅覽焉善後事宜與督臣鄂爾泰詳細商酌料理允妥以慰朕懷

同日又

奏爲恭謝

天恩事竊臣於開導苗疆一案已將丹江一帶料理底定臣一面安插招徠正在繕摺具

奏間據臣標把總齎回臣前奏欽奉

上諭一摺奉有

硃批並業

欽賜貂皮湯羊哈密瓜果子平安丸到臣隨恭設香案望

闕叩頭謝

恩訖伏讀

綸言欽承

賜賚感戴莫罄奮勉靡從惟有益矢丹誠敬謹匪懈至於八寨丹江九股等處生苗剿撫事務甫竣臣尤當圖維善後之計請商督提署撫諸臣公同會核次第舉行不敢稍有忽畧俾仰副

硃批諭旨

十五

三

張廣泗

聖主期最殷懷以展微臣駑駘之報而已所有原奉硃批敬封恭繳外理合繕摺跪謝

天恩謹

奏

苗疆開通固屬不易而安插撫輯爲尤難諸凡善後事宜正爾職分中之要務今日措置一分妥協將來省汝一分心力也詳悉籌畫爲之

雍正七年正月三十日貴州巡撫臣張廣泗謹

奏爲奏明事竊臣於辦理開通生苗一案已將八寨

丹江雞講九股等處剿撫就緒并此外之八萬古

汝親往查勘諸凡最宜詳實勘酌眼另有諭鄂爾泰之州暨清水江或宣諭在先或情願歸附者一面飭著就近文武從容布置並將臣猶須親往察勘緣

由於雍正六年十二月二十五日在丹江行營具摺奏

聞伏查丹江八寨等處均屬要區今開通既定其一切善後事宜關係綦重是以臣備敘情形咨請督臣鄂爾泰詳核指示去後嗣准督臣覆稱設鎮安營建官畫界等事必須面商熟籌庶為久安長治之計非可約畧輕易亦未可懸擬遙度應即接印視事以便署撫沈廷正赴滇到任鄂爾泰方可起程

硃批諭旨

十五日

三

張廣泗

來黔面議種種等因臣未便耽延因自行營旋省於本年正月十七日抵巡撫任接印視事業經恭疏

題報外現在新附八寨丹江九股等處酌量險易分委定廣協副將蘇大有鎮遠協副將張禹謨都勻營參將趙文英長寨營參將官祿統率官兵彈壓拊循俱各寧帖惟俟督臣鄂爾泰不日到黔會商妥協當如何措理另摺

奏請施行並應前往古州清水江再為宣布
好與督臣鄂爾泰悉心籌計勉力為之
皇仁察議善後諸事俾一勞永逸上慰

宸衷至臣荷蒙

聖主逾格隆恩由知府微員於一年之內

擢授巡撫夙夜冰兢實深不能勝任之懼茲值苗疆事

務初竣尚須料理又未敢冒請叩謁

天顏親承

聖訓謹將臣旋省到任情由繕摺具

奏並跪懇

聖慈訓誨指示庶微臣有所遵循不致隕越統祈

皇上睿鑒謹

奏

硃批諭旨

十五日

三

張廣泗

常思不辱朕用人顏面則一語可行之終身矣

雍正七年七月二十二日貴州巡撫臣張廣泗謹

奏為奏明事竊照清理苗疆一案仰賴我

皇上仁威遠播兼蒙

訓諭周詳臣欽遵逐一敬謹辦理得以漸次就緒嗣於

本年三月初七日督臣鄂爾泰抵黔省臣將前後

所辦之處並苗情地勢面述請商又荷督臣確核

裁示臣諸事更獲依循當於三月二十七日自省

起程復往鎮黎各郡察勘布置業經恭疏

題報在案查八寨丹江九股等處既已料理告竣此